

黃帝內經素問註證發微卷六

明太醫院正文會稽庠生元臺子馬蔣仲化註證

○病能論篇第四十六

能音耐禮樂記故不耐無樂其耐作能靈樞陰陽二十五人篇

皆有能字古蓋耐能通用陰陽應象大論云病之形能也蓋言病之形狀耐受故此以病能名篇

黃帝問曰人病胃脘癰者診當何如岐伯對曰診此者當候胃脉其脉當沉細沉細者氣逆逆者人迎甚盛甚盛則熱人迎者胃脉也逆而盛則熱聚於胃口而不行故胃脘為癰也

此言診胃脘有癰之脉胃脉則沉細而人迎則甚盛也蓋胃為水穀之海其經多氣多血脉見右關本宜洪盛

黃帝內經素問註證發微卷六

明太醫院正文會稽庠生元臺子馬蔣仲化註證

○病能論篇第四十六

能音耐禮樂記故不耐無樂其耐作能靈樞陰陽二十五人篇

皆有能字古蓋耐能通用陰陽應象大論云病之形能也蓋言病之形狀耐受故此以病能名篇

黃帝問曰人病胃脘癰者診當何如岐伯對曰診此者當候胃脉其脉當沉細沉細者氣逆逆者人迎甚盛甚盛則熱人迎者胃脉也逆而盛則熱聚於胃口而不行故胃脘為癰也

此言診胃脘有癰之脉胃脉則沉細而人迎則甚盛也蓋胃為水穀之海其經多氣多血脉見右關本宜洪盛

而今反沉細則是胃氣已逆故沉細如此人迎者胃經

穴名

在結喉兩旁亦有動脈應手

其脈見於左寸今右關沉細而人

迎甚盛則是熱聚胃口而不行耳按靈樞經脈篇謂人

迎大三倍于寸口則胃經爲實卽此二脈以驗之而知

胃脘之有癰矣

帝曰善人有卧而有所不安者何也岐伯曰藏有所傷及

精有所之寄則安故人不能懸其病也

精有所之爲句

此言人有卧而不安者以藏氣傷而精氣耗也蓋五藏

爲陰各藏其精藏有所傷及精有所之

偏向則藏傷而之義

精耗者卧不安也必精有所寄各在本藏而無失則卧



中國醫藥大學圖書館藏

斯安矣。寄者藏也。如肝藏魂，肺藏魄之類。然凡卧有不
安，則人不卧者，血不歸肝，營氣以躁而消亡，衛氣不能
入於陰。此人之所以不能懸其病也。懸者，絕也。按本調
論策六
節有不得卧而息有音者，諸證尤詳。但
此曰不安，則是不能安寢也。與彼有異。

帝曰：人之不得偃臥者，何也？岐伯曰：肺者，臟之蓋也。肺氣

盛，則脉大。脉大，則不得偃臥。論任奇恒陰陽中。奇恒陰陽
俱古經篇

名經脉別論有陰陽揆度以爲常句則陰
陽信古經篇名其揆度之義見本篇末節

此言人之不得偃臥者，以其肺之邪氣盛也。肺氣盛滿，
偃臥則氣促喘奔，故不得偃臥也。

帝曰：有病厥者，診右脉沉而緊，左脉浮而遲，不然病主安

在岐伯曰冬診之右脉固當沉緊此應四時左脉浮而遲
此逆四時在左當主病在腎頗關在肺當腰痛也帝曰何
以言之岐伯曰少陰脉貫腎絡肺今得肺脉腎爲之病故
腎爲腰痛之病也

不然當作不知

此言腎有浮遲之脉當知其有腰痛之病也據本節大
義所謂右脉沉而緊左脉浮而遲者此脉當見于兩尺
也春夏脉浮秋冬脉沉此四時之脉也今冬時診之右
尺之脉沉而帶緊與冬時相應所謂應四時也左尺之
脉遲而兼浮與冬時相反所謂逆四時也遲爲腎脉浮
爲肺脉左尺浮而遲當主病在腎特脉頗關在肺故腎



當腰痛而脉經則無疾也何也足少陰腎經之脉貫腎絡肺今得肺脉者豈肺脉來見於此哉以左腎不足而肺不能沉故得肺脉耳其實非肺病也當知其爲腰痛之病耳

帝曰善有病頸癰者或石治之或鍼灸治之而皆已其真安在岐伯曰此同名異等者也夫癰氣之息者宜以鍼開除去之夫氣盛血聚者宜石而寫之此所謂同病異治也此言有病頸癰者當同病異治也頸中有癰者或以石爲鍼治之或以小鍼治之或以艾灸之而病皆愈者豈無真要之法哉蓋病名雖同而實有微甚之異耳所謂

以小鍼開除而去病者正以癰間有氣頓息未至甚也
所謂以石爲鍼而寫之者正以氣盛血聚故也唯其同
名異等此所以同病異治也

曰有病怒狂者此病安生岐伯曰生於陽也帝曰陽何
以人狂岐伯曰陽氣者因暴折而難決故善怒也病名
曰厥帝曰何以知之岐伯曰陽明者常動巨陽少陽不
皆言而動大疾此其候也帝曰治之柰何岐伯曰奪其
爲其已夫食入於陰長氣於陽故奪其食卽已使之服以
生鐵洛爲飲夫生鐵洛者下氣疾也

長上聲洛落同

此言有病怒狂者有病由有診法有治法也人有病狂

者以其陽氣之逆也陽氣者足三陽經卽下陽明巨陽
少陽之氣也此人者因猝暴之頃有所挫折而事有難
決志不得伸故三陽之氣厥逆上行而善怒而狂病名
曰陽氣之厥逆然所以知此疾者必診之三陽經之動
脉耳足陽明經常動者靈樞頃輸篇言足陽明獨動不
休故凡衝陽

卽肘陽

地倉大迎下關人迎氣衝之類皆有

動脉不止而衝陽爲尤甚彼足太陽膀胱經足少陽膽
經則不動者也雖膀胱經動天窓委中崑崙膽經有天
容懸鐘聽會而皆不及胃經之尤動也今二經不動而
至於動之甚速此其病之怒狂故諸陽之脉有如此耳

至於所以治之者亦惟奪其飲食飲以生鐵落焉可也
蓋食化於太陰脾經而氣乃長於陽明胃經故胃本多
氣多血而又加多食則陽愈盛而狂愈甚所以必減其
食也生鐵落者屬金金能尅木則肝氣可下而怒不至
甚以其性之能下氣疾故可爲飲以服之也

帝曰善有病身熱解墮汗出如浴惡風少氣此爲何病岐
伯曰病名曰酒風帝曰治之奈何岐伯曰以澤瀉朮各十
分麋銜五分合以三指撮爲後飯

解解同墮情
同惡去聲

此言酒風之證而有治之之方也風論曰飲酒中風則
爲漏風漏風之狀或多汗常不可單衣食則汗出甚則

身汗喘息惡風衣常濡口乾善渴不能勞事故凡極飲者陽氣盛而腠理疎元府開惟陽盛則熱盛筋痿故身熱懈惰也腠理開則風內入元府開則氣外泄所以多汗如浴也風氣外薄腠理汗多內虛熱熏於肺肺氣亦虛故惡風少氣也治之者用澤瀉朮各十分麋銜五分合以三指撮煎服其藥後飯而服謂之後飯也王註以爲先用藥者不知此證在表先服藥則入裏故後飯者藥在飯後也

朮卽蒼朮大觀本草主風寒濕痺苑肌止汗麋銜一名無心草南人呼爲吳風草主

風濕痺歷節賊風益必主風痺益氣

所謂深之細者其中手如鍼也摩之切之聚者堅也博者

大也。上經者，言氣之通天也。下經者，言病之變化也。金匱者，決死生也。揆度者，切度之也。奇恒者，言奇病也。所謂奇者，使奇病不得以四時死也。恒者，得以四時死也。所謂揆者，方切求之也。言切求其脉理也。度者，得其病處以四時度之也。

度俱音鐸。玉版論要篇云：揆度者，度病之淺深也。奇恒者，言奇病也。

此歷舉古經篇名而釋其義也。首四句，似以鍼法爲解。上經下經金匱揆度奇恒俱古經篇名。今皆失之上經者，必以衛氣爲論。如生氣通天論之義，故曰言氣之通天也。下經者，言病之變化。金匱者，疑是藏之金匱。如金匱真言論之類。然其義則決死生也。揆度，以度病爲義。

奇病不必以四時而死如奇病論大奇論之類恒病得
以四時而死如藏氣法時論合于四時而死之類揆以
切求其脉理度以得其病處遂以四時度之此皆古經
篇之義也

王註置之菊釋蓋不考諸義之爲
篇名然謂之他篇之錯簡則是也

○奇病論篇第四十七

內論諸病皆
異故名篇

黃帝問曰人有重身九月而瘖此爲何也岐伯對曰胞之
絡脉絕也帝曰何以言之岐伯曰胞絡者繫於腎少陰之
脉貫腎繫舌本故不能言帝曰治之柰何岐伯曰無治也
當十月復刺法曰無損不足益有餘以成其疹然後調之
所謂無損不足者身羸瘦無用鑠石也無益其有餘者腹

中有形而泄之泄之則精出而病獨擅中故曰疹成也。重

聲瘖
音音

此言重身而瘖者當產後愈不必強施以攻補之法也。

重身者謂婦人懷妊則身中有身謂之重身也瘖瘖也。

九月而瘖者醫書謂人之受孕者一月肝經養胎二月

膽經養胎三月心經養胎四月小腸經養胎五月脾經

養胎六月胃經養胎七月肺經養胎八月大腸經養胎

九月腎經養胎十月膀胱經養胎先陰經而後陽經始

於木而終於水以五行之相生爲次也然以理推之則

手足十二經之經脉晝夜流行無間無日無時而不共



養胎氣也。必無分經養胎之理。今日九月而瘖蓋時至

九月。則姙胎已久。兒體日長。胞絡宮之絡脉。繫於腎經。

者。阻絕而不通。故間有爲之瘖者。非人人然也。此乃阻絕之

非斷絕之謂。生氣通天論云。大怒則形氣絕。而血菀于上。亦阻絕之絕。是何也。腎經之脉

下貫於腎。而上繫古本。故脉道阻絕者。不能言也。按靈樞經

脉篇云。腎足少陰之脉。從腎上。此所以不必强爲施治。

貫肝膈入肺中。循喉嚨挾舌本。當至十月分娩之後。而自能復言矣。刺法篇有云。刺法論之

十二。今已亡。抑亦篇名同。而其書異者歟。無損不足。無益有餘。以成痼病。此

泛論。然胎損則爲痼病。其義可推。必其十月之後。然後調理之耳。所謂

無損不足者。卽如身體羸瘦。無用鑱石以鍼之之謂也。

所謂無益有餘者。卽如腹中有形而又用鍼以治之。則反以泄之也。泄之則腎之精氣反出。而胎亦隨損。胎死腹中。着而不下。是乃病獨擅中。故曰疹之已成也。吾故曰無治也。當十月復思意古人用鍼故曰無治若今人用藥則當用藥治之但若以補心腎爲宜耳按大奇論以胞精不足者善言爲死不言爲生此可以驗九月而瘖非胞精之不足故十月而復也帝曰病脇下滿氣逆二三歲不已。是爲何病。岐伯曰病名曰息積。此不妨於食。不可灸刺。積爲導引服藥。藥不能獨治也。

此言息積之病。當兼導引服藥以治之也。蓋腹中無形。脇下脹滿。氣甚喘逆。頻歲未愈者。乃氣息日積使然也。

故名曰息積。此病有關於肝膽肺經，無與於胃，故不妨於食也。但不可灸刺之。蓋灸則火熱內燄，刺則氣寫經虛也。必漸次積爲日用導引之功，調和之藥，二者並行。斯病可愈。若止用藥而不導引，則藥不能以獨治也。

帝曰：人有身體髀股胕皆腫，環齊而痛，是爲何病？岐伯曰：病名曰伏梁，此風根也。其氣溢於大腸，而著於肓。肓之原在齊下，故環齊而痛，也不可動之。動之爲水溺瀦之病也。

髀音皮 胕音同齊 肓音荒 著着同

此節大義與腹中論第四十以爲奇病，故重出于此。其釋義具彼。

帝曰。人有尺脉數甚。筋急而見。此爲何病。岐伯曰。此所謂疹筋。是人腹必急。白色黑色見。則病甚。數音朔

此言尺數筋急者。不必據其腎之熱。而當據其腹之寒也。尺脉數甚。則腎經有熱。熱宜筋緩。而今掌後尺中反見筋急者。何也。此所謂病在手筋也。脉要精微論曰。尺外以候腎。尺裏以候腹中。今尺脉雖數。而筋則肝經主之於腎無與。尺中筋急。其人腹中當有筋急。所謂尺裏以候腹中也。腹中有寒。故自急。不可以其腎之熱而疑其筋之不宜急矣。且其人白黑二色見於面部。則白黑爲寒。其病爲尤甚也。